
ҚИШЛОҚ ХЎЖАЛИГИ СОҲАСИ ВАКИЛЛАРИ БАЙРАМИГА БАҒИШЛАБ “СОҲИЛ” ДАМ ОЛИШ МАСКАНИДА ТАНТАНАЛИ ТАДБИР ТАШКИЛ ЭТИЛДИ

Қишлоқ хўжалиги соҳаси вакиллари байрамига бағишлаб “Соҳил” дам олиш масканида тантанали тадбир ташкил этилди

Туманимизнинг “Соҳил” дам олиш масканида Қишлоқ хўжалиги ходимлари куни муносабати билан тантанали байрам тадбири бўлиб ўтди. Тадбирда туман ҳокими Сайидбаҳром Сайидмусаев, туман ҳокими ўринбосарлари, туман секторлари раҳбарлари иштирок этишди. Тадбирга қишлоқ хўжалигида фаъолият олиб бораётган соҳа жонкуярлари, меҳнат фахрийлари таклиф этилди. Тадбирга бағишлаб байрам зиёфати уюштирилди. Бир пиёла чой устида соҳадаги ўзгариш ва янгиланишлар таҳлил этилди.

Тадбирда сўз олган туман ҳокими ўтаётган йил Сўх тумани қишлоқ хўжалиги соҳасида туб бурилишлар йили бўлгани, давлатимиз раҳбари эътибори ва ташаббуси асосида туманда янги ерлар ўзлаштираётгани, асрлар оша ташна ер майдонларига “оби ҳаёт” чиқарилаётгани ва қилинаётган барча ишлар Сўхлик фуқаролар манфаатига хизмат қилишини таъкидлади. Берилаётган эътиборга нисбатан шукроналик ҳиссиёти билан яшаш лозимлиги қайд этилди.

Тадбир давомида бир гуруҳ соҳа вакилларига эсдалик ва қимматбаҳо совғалар, фахрий ёрлиқ ва ташаккурномалар тақдим этилди. Албатта, сидқидилдан қилган меҳнат муносиб рағбатлантирилиши лозим.

Қилган ҳалол меҳнат ва самарали ҳаракатлари туфайли “Ҳушёр” ширкати хўжалиги раиси Алишер Каримов ва “Сўх” ширкат хўжалигида фаъолият олиб бораётган Субҳонберди Мавлоновларга “Ўзбекистон Республикаси қишлоқ хўжалиги фидоийси” кўкрак нишони, қишлоқ хўжалиги ва сув масалалари бўйича туман ҳокими ўринбосари Муслимбек Мавлонбековга Фарғона вилояти ҳокими фахрий ёрлиғи ва бир гуруҳ соҳа фидоийларига қимматбаҳо совғалар тақдим этилди. Совғаларни ўз загаларига туман ҳокими ва туман сектор раҳбарлари топширишди.

Тадбирга файз бахш этган санъаткорларнинг кўй ва қўшиқлари тадбир иштирокичларига катта ва кўтаринки кайфият бағишлади. Тадбир давомида соҳа вакиллари ўзларининг дил изҳорларини баён этдилар.

Сўх тумани ҳокимлиги Ахборот хизмати

[Бизни ижтимоий тармоқларда кузатинг Facebook | Telegram | Telegram murojaat | Youtube | Instagram](#)

2022-12-14 15:41:22